



KOMUNIKADO PA PRENSA

Fecha
1 di febrüari 2018

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Medida pa kalma tráfiko riba Weg naar Welgelegen

Willemstad – Seguridat di e peaton den tráfiko ta hopi importante i prinsipalmente den temporada di Karnaval ku tin diferente hende ta trafiká riba e ruta di Karnaval. Den kuadro di esaki, Servisio pa Obra Públiko (OW) ta tuma un medida di prekoushon pa kalma tráfiko temporalmente riba Weg naar Welgelegen entrante djabièrnè 2 di febrüari.

E peaton, esta e persona ku ta trafiká na pia, ta esun mas vulnerabel den nos tráfiko i pues ta hopi importante pa protehá su seguridat. Sigur awor den temporada di Karnaval ku diferente hende ta traha riba nan stelage riba e ruta di Karnaval. Riba Weg naar Welgelegen, na parti ost na altura di Roodeweg te na e hanchi despues di e Pòmp di Gasolin, ta un parti di e ruta di Karnaval ku tin hopi moveshon di peaton ku ta sea traha riba stelage òf ta bai nan stelage pa sosialisá durante di temporada di Karnaval. OW a risibí diferente petishon di suidananon pa tuma un medida rápido mirando ku a bin tuma nota di diferente insidente peligroso pa e peaton i outomobilistanan ku ta krusa pa bai e ‘middenberm’ pa nan por yega nan stelage.

Entrante 2 di febrüari Weg naar Welgelegen ta bira temporalmente un kaya di 1 via so. Lo pone bari nan oraño pa esaki ta inmediatamente visibel pa e outomobilista. E kaya lo ta sera for entrada di Roodeweg te na altura di e hanchi despues di e Pòmp di Gasolin. E medida aki ta temporal, pues asina ku temporada di Karnaval pasa, esta dia 14 di febrüari, lo kita e bari nan aki bek. Entrante 14 di febrüari e situashon di tráfiko lo normalisá i Weg naar Welgelegen ta bira bek un kaya di 2 via.

E medida aki por trese molèster pa outomobilistanan ku ta move den e área aki, sigur pa mayornan ku mainta òf mèrdia tin ku hiba mucha skol. Pa e motibu aki, OW ta pidi pa por fabor tene un poko pasenshi i konsiderashon mirando ku ta algu di algun dia i ta netamente pa seguridat di usarionan den tráfiko, prinsipalmente nos peaton.